



**BAGAMBIRE NGU
NIMBAKUNDA**

Jumbura ekiconco eki
Ruhanga akwinire
Rukundo etaine
bushonshorekye



JOYCE MEYER

Joyce Meyer

Runyankore

**Mubagambire ngu nimbakunda
Amazima agahikire agarikukwata aha
rukundo ya Ruhanga ei akwiniire**

Ebirimu Okutandika

1. Ruhanga nakukunda
2. Ndi murungi ohikire
3. Rukundo n'okukwatanisa
4. Rukundo, amaziima n'obwesigwa
5. Okwetantara obwooba
6. Okuburira rukundo
7. Noiya kuhindurwa rukundo ya Ruhanga
8. Tunga amagara matsya

Okutandika.

Yikiriza ngu eky'abantu barikukirayo kwetenga omubindi byoona n'okushururirwa rukundo ya Ruhanga nk'omuntu. Okweteyereza oku nikwe kurikutuhereza obutandikiro tukagira okukwatanisa na Ruhanga haza tukaba abasinguzi omumagara gaitu g'obukristayo. Titurikwetenga amagyezi kumanya rukundo ya Ruhanga baitu okugishururwa omumitiima yaitu. Eki nikija kukorwa omwoyo orikwera wenka baitu obwo twatekateka ahari rukundo yaruhanga tukagyakira nan'omumagara gaitu obwo turikurabira omukushaaba nan'eby'ahandikiirwe.

N'okwikiriza ngu Ruhanga nakunda ensi yoona oburengye nikwo kwohereza Yesu Kristo ngu afeere ebibi byaburi muntu tikyorobi kityo.

Okwikiriza kwonka ngu Ruhanga nakukunda nikwe kwohereza yesu ngu akufere iwe wenka oti kukufeera nobuwakuba niwe wabaire ori wenka omunsi nikibaasa kuguma.

Bwanyima yokuheeza emyaka maingi nk'omukristayo baitu nshobirwe nkarugaho nareeba rukundo ya Ruhanga eyiyangirire. Ruhanga akanyeyoreka nareeba okukunda kwe kurabira omumwoyo orikwera haza ekyo kihindurire kimwe amagara gangye hamwe n'enkwatanisa yangye na Ruhanga.

Ninshaaba mukama ngu waaba noshoma ekitabo eki Ruhanga iwe nk'omuntu Ruhanga akushurire rukundo ye. Ninkuhiga

ngu okishome mpora mpora kikuhwere kwetegyereza rukundo yaruhanga omubaibuli n'okwongyera kutekateka ahari ebyo ebyahandikirwe eby'orashangye aha mpapura ezirikukurataho.

Mukama nakukunda munonga. Kandi nayenda omanyeye rukundo ye haza eyongyere kugitamburiramu burizooba omuby'orikukora byoona omumagara gawe nk'oku nanyeye antwarize.

Ninkuhereza ekitaabo eki omubuntu ndikukimanya gye tihariho kindi kureka Ruhanga kandi nyowe nkashururirwa nayetegyereza ekigambo kye ahabw'embabazi ze zonka.

1. Ruhanga nakukunda!

‘Ahakuba oku nikwe ruhanga yakunziire ensi akahayo omwaana we omwe nyamunegyere, ngu omuntu weena arikumwikiriza arekye kuhwerekyerera, kureka atungye amagara agatahwaho.’ [Yohaana3:16]

Ruhanga nayenda abe omuka kandi abe tataitwe. Tukahangwa kugira nawe akakwate tube abahara nangwa nabatabani kutura n’amagara omubwaijwire agu Yesu Kristo yafereire ngu tutungye. Eki nikimanyisa ngu nayenda tumukunde, tumwegyeyere ebyo byoona nawe ayongyere kutukunda. Nayenda tumutakire twaaba twaaba twine eniturikwetenga kandi, tumwesigye mbwenu nayenda agire enkwatanisa na buri muntu.

Baingi omiritwe nitutekateka ahabyahandikirwe Yohaana 3:16 tukireeba kuba kihaango. N’amaziima Yesu akafeera ensi yona kwonka tarafereire nkuyanja y’abantu baitu akafeera buri muntu, nahabwekyo Yesu akakufeera.

Amaziima gari ngu nobuwakuba naiwe wenka owabire ari omunsi omu Yesu akaba naza kukufeera. Akaba naza kubonabonesibwa nkokuyabonaboine. Ruhanga nakukunda munonga kandi aine rukundo etahwaho. [Shooma Yeremiah 31:3]

Eizooba rimwe kunabaire ninvuga Ruhanga akangira ati, Joyce ori emboone omumaisho gangye. Ahonaho nkahurira eiraka ry’omuzigu sitani arikungira, riti baitushi iwe

noyeyeta oha, ogwo n’omwehuriro. Nanye nkahika nagira ngu tikihihire kutekateka ntyo.

Bwanyima y’okuheza kumanya ngu turi abomutaano, twine entantaranta, ebiconco nan’okubaasa okw’omutaano haza ebi nibuturetera okwetekatekaho omumuringo ogutari gwabutoosha.

Kwonka amaziima gari buri muntu Ruhanga akamuhanga ari ow’omutaano. Ruhanga nakunda ebingi nahabwekyo iwe akakuhanga kuba ow’omutaano ahabandi ekirikumanyisa ngu tarikwenda iwe kw’oyeshishaniriza n’abandi ninga okwetwaramu nkabo. Ahabwe ori ow’omutaano nk’okuyakuhangire.

Kunabaire nkiri aho nkirikutekateka aha bi Ruhanga yangambira, nkateera akashishani k’omukazi ari omu katara ayemereire aharubaju rw’omutumo gw’ebijuma nyamwingi, akabireeba nikwe kwenda kwihamu kimwe ekyamurebekiregye. Eki kikandetera kwetegyereza obutumwa bwa Ruhanga kugira ngu ninye kijuma kye ekirungi. Nkaba ndi ow’omutano. Nikibaasa kuba kitahikire kwonka Ruhanga buri omwe namureeba omumuringo nk’ogwe. Tarikugira ngu iwe oi ow’omutano okukira abandi ngu rero bo tibaribaru ngi baitu natugira ngu twena turi ab’omutaano. Ruhanga nagira ati omukigambo kye, ori embone omurisho rya Ruhanga kandi n’ekigambo kye n’ekitu tweena. Ori emboone y’eriisho rya Ruhanga.

Obwire obwo tindayetegyereize eki Ruhanga yabaire nagyezaho kungambira ahabwokuba nkareeba kitahikire okwetekatekaho ebirungi byonka. Kwonka bwanyima y'ebiro bibiri kunshurwire baibuli nyangye omuktabo kya zabuli 17:8 nkashanga ekigambo kinzoroire amaisho; 'Ondinde nk'embone y'eriisho, ombumbatire n'amapapagawe'. Nkegarikamu nagira nti buziima ndi embone omuriisho ryaruhanga. Kikandetera kuguma nintekateka kubuziima ndi omw'omutaano omumaisho ga Ruhanga. Nokimanya ngu Ruhanga nayenda ogume nokimanya kwori ow'omutaano, owomuhendo, kandi omuntu orikukundwa.

Abantu baingi batwiire nibasherura okukundwa omumitiima yaabo haza nikwe ruhanga yatuhangire. Baingi nibaikiriza ngu Ruhanga nakunda ensi kandi agarika akunda na Yesu kwonka nikibagumira kwikiriza ngu nabakunda bo nk'abantu, kandi obwo ekigambo nikitushomesa ngu Ruhanga natukunda nk'okwarikukunda Yesu. Ahakuba Ishe akunda amworeka ebyakora byoona; kandi aryamworeka ebirikukira ebi ngu imwe mutangare. [Yohaana 5:20]

Aha Ruhanga nagira ati; ebintu ebi eby'omutaano nimbikora kurabira omuri Yesu kandi nan'ebyo ebirikukira ahari ebyo nabyo nimbikora kurabira omuri Yesu obaase kutangara. Ruhanga nayenda kutushemeza arikutukorera eby'okutangaza ekiraturetere kushemererwa.

Ebyahandikirwe nitubishoma kwonka obwire obwingi titurikukira kwetegyereza ebi Ruhanga arikwenda kutukorera byonka baitu tuturikwetegyereza ebyatarikwenda kukora

kurabira omuri itwe. Nayenda tureeba aha mirimo eyamaani oyakozire kurabira omuri Yesu tubase kwikiriza ngu naitwe nayenda kurabira itwe kukora eby'amaani. Buzimazima nimbagambira nti orikunyikiriza ,emirimo eyinkora nawe aryagikora, kandi aryakora erikukira eyangye obuhango ahabwokuba nyowe ningyenda ahari tata. [Yohaana 14:12.]

Ruhanga nakorera abantu ebintu bingi burizooba ahabwokuba nabakunda kwonka ekyo tibarikukireeba,tibarikukimanya nakakye. Burizooba, eizooba kurikutandika ,ritandika ahabwangye hamwenaiwe. Ebimuri byoona ebyaburimuringo nibyaana ebirabyo ahabw'oburungi bwaitu, n'omwanya murungi ahitushemereire kushemererwa.

Omukitabo ky'okutandika 1 nihagira hati; Ruhanga akahereza omuntu obushoborozi omunsi nan'ebigirimu ahabw'obuhereza bwa mukama nan'omuntu.

Enjura kwerikugwa obunaku bwayo negwa ahabwawe, n'orubare kururikubaho rubaho ahabwawe. Buri rutambwe orw'okutera, Ruhanga niwe arikuragira kandi buziima ariyo nakureeba.

[Omukyebiragi 7:9]; nihagira hati; nahabwekyo omanyangu mukama Ruhanga wawe niwe Ruhanga buziima, Ruhanga omwesigwa orikurinda endagaano akagirira embabazi abarikumukunda, bakorebera ebiragiro bye okuhitsya obusingye rukumi. Rukundo eyatugirira n'ey'ebiro byoona etarihwaho. Baingi nibatekateka ngu ahabwenshobi zaitu nan'ekiturikuteganisa nituba twasingura Ruhanga kwonka

ekyo titukakikora kandi tokazibira Ruhanga kurekyeraho kukunda. Rukundo tikiri kintu ekiruhanga arikukora baitu we wenka ni rukundo.

Kworabe notekateka ngu ori mubi munonga owu Ruhanga atarikubasa kukunda, ogwire. Tihariho kiina kiraingwa ahi Ruhanga atarikubasa kuhika kukwihayo. Akwiniire entekateka y'okukugaruza busya. Nasasira ebibi byawe baitu obwo washaaba okusasirwa kandi agarika ayebwa eby'okushiisha byaitu abitwara hare munonga naiwe nk'oburigw'izooba eri hare na burengerw'izooba. [Shoma Zaburi 103:10-14]

Nobasa kugira oti Yesu nkamwakira omumutima gwangye kandi nimukunda. Kwonka naba ninyenda nkubuze, oyine kwikiriza kurikwinganaki ngu Ruhanga nakukunda? Rukundo yaruhanga teine bugarikiro, n'obutumwa obworobi kwetegyereza kandi nigwo musingye ogw'oyiine kuta omumagara gawe kugira ngu obase kwetegyereza buri kimwe. Ninyesiga egyo niyo ntandikiriro y'okukira kwona omumagara gaitu. N'obuwakugira ota, okashoma ebindi okataho amaani okutunga ebintu bya Ruhanga waaba otarikubaasa kwikiriza ngu buziima Ruhanga nakukunda ataine rubanja rwoona tihaine ky'amaani ekyoraije kwongyeraho omurugyendo rwawe na Ruhanga.

Ahabw'okwikiriza nitwakira kuriga owa Ruhanga kwonka nabwo nitwikwikiriza ahabwa rukundo. [Abagalatiya 5:6] Nahabwekyo twaba tutakiire rukundo yaruhanga tihaine kindi kyoona ekiturikubasa kwakira. Rukundo ya Ruhanga

neturetera kutura tutaine bwooba bwoona [1 Yohaana4:18]
kandi eki nikikuru munonga twaba turi ab'okushemererwa
omumagara aga tukahikiriza nan'ahiturikuza. Nobaasa
kwakira rukundo ye eyakwinire, teri y'okuguza, kandi
torikubasa kugigura ahabw'emirimo yawe murungi....
Eky'orikwetenga kukora n'okwakiira, yakiira kandi
okagarika okakiira.

2. Ndi murungi aikirire buzima

Kandi amatsiko tigakwatsa nshoni, ahabw'okuba omwoyo orikwera ou twahirwe ashukire okukunda kwa Ruhanga omu mitima yaitu. Kutwabire tukiri enshoberwa, omu bunaku buhikire kristo yafeera abataatina Ruhanga. Nimumanya ngu kigumire omuntu kufeera ohikirire; nangwa shana akayemera kufeera ow'emicwe mirungi; kwonka Ruhanga ayoreka okukunda kwe oku atukunda, ahakuba ku twabaire tukiri abanyabibi, kristo yatufeera. Mbweni okukira munonga obutuhirize kwihwaho orubanja ahabweshagama ye, twakira ekiniga kya Ruhanga ahabw'okufa kw'omwaana we tukiri abazigu be, mbweni okukira munonga, nk'okutuhirize kugarikana nawe, amaziga ge garyatukiza, kandi tekye ekyo kyonka, kureka nitushemerwa omuri Ruhanga ahabwa mukama waitu Yesu Kristo, otuhaisize hati okugarikana oku. [Abarooma 5:5-10]

Baingi omuritwe nibaikiriza ngu Ruhanga natukunda baitu obwo twaba tutasire. Baingi nangwa tibarikwekunda munonga, haza bahendera bagizire ngu tibarikushemeza Ruhanga nakakye. Kandi obwo baibuli netugira eti. Nimuntu ki oworikutekateka kuba ari [Zaburi 8:4]. Turi ebihangirwe bya Ruhanga kandi natukunda ahabw'okuba natukunda [shooma 1Yohaana 4:16]. Ruhanga natukunda ahabw'okuba nayenda kutukunda. Nakukunda ahabw'okuba ori ow'omutaano ekirikumanyisa ngu noyeshisha, toyiine kushishana nanye ningashi kuba nkanye kandi nanye tynyiine kuba nkaiwe. Haza noiya kugira enaku kw'oramare

obwiire bwingi n'amagara gawe orikweshishaniriza n'abandi orikuhayahayana nabo. Ekyo ekikukukora n'okuhereza omuzigu omugisha kutandinka kukwesimisa kwori murungi ahikirire. Kwonka amaziima gari ngu ahari Ruhanga tihariho murungi orikumara. Yesu akaba murungi ekirikumara omumwanya gwawe, akashashurira ebibi byawe yahebwa ekifubiro ekyabaire kikushemereire.

Baibuli negira ngu kwarabe yakukunzire munonga akahika nana hakukufeera nenki ekindi ekirikukira aha shagama ye [shooma Abarooma 5:8-9] nakukunnda munonga kushweka enshobi zaawe za burizooba kandi n'okukwozyaho obutahikirira bwoona.

Nintekateka niiwe ky'okureberaho, oku Ruhanga arikureeba enshobi zaitu nane bitutarikuhikiriza. Teera akashushani omwaana muto w'emyaka 3 ninga 4 y'obukuru atwiire nareeba nyiina arikukora emirimo y'ahaka. Kumanya ngu nakunda nyiina munonga eizooba rimwe naija kukwata ebafu atemu amaizi akwate ekisimura ekinyiina atwiire nakozesa atyo aze omumaisho g'enju atandikye kusimura edirisa. Kwaracheze naza kwija arikugurikirwa ahaiguru agambire nyiina kwarikumukunda munonga nahabwekyo yamukorera emirimo.

Nyiina naija kumugarukamu ati yebare mwaana wangye wakora omurimo murungi. Nabwanyima omwaana yaheza kuza omubindi nyiina naija kutereza kwihaho entanani zarikuba yataho, nabwanyiima naija kumugambira kwaguma akabuza yaba aine ekyarikuza kukora haza ekyo kimuhwere

kwega omuburyo obuhikire.

Hati eki nikyo Ruhanga arikutukorera. Nabaasa kukora byoona bishemere baitu obwo twamukunda kandi tuketa ahabigyendererwa bye. [Shooma abarooma8:28]

Waaba nokora ebirungi kandi orikumanya okubarikubikora ebyo nibyo Ruhanga arikukwendaho. Nabaasa kandi naija kugumizamu baitu obwo waba nomusherura , naija kukuhindura omukyeshusha kye atyo akwihe omukitinya akute omukindi. [2 Abakorinso 3:18]

Ahabwa ogwo owu Ruhanga yatsindikire kugamba ebigambo bye, akatwara obutumwa bwa Ruhanga, tarikumuhereza mwoyo gwe baitu ekyo nikyo kiconco eki Ruhanga arikukora omumwoyo we.tata akakunda ommwwana nikwe kwehayo akamuhereza buri kimwe omungaro ze. [Yohaana 3:34-35]

Omurundi gumwe kunabaire ninshoma orunyerire oru nkarira ahabw'amashemererwa bwanyima y'okumanya ngu buziima Ruhanga tarikutupimira mwoyo orikwera baitu natuherza omubwaijwire, nabaasa, kandi okukira munonga natuhereza ebirikukira nahari ebyo ebiturikuba tumushabire. [Ephesians3:20]

[Omukitabo ky'ebiragiyo 7:6-7] Ruhanga nagira ati; iwe ori orikwera kandi otirwe aharubaju ahabwa mukama Ruhanga; Ruhanga wawe akakutorana kuba ow'omutaano ahabwe omuri abo bantu boona abari omunsi. Mukama Ruhanga tarakukunzire ahabw'okugira ngu mukaba muri

bingi kwonka bukaba muri bakye omubandi boona. Ekyo n'ekintu eky'oyiine kushemererwamu. Ruhanga nagira ati nkakukunda kandi nagirika nakugambira ngu ori orikwera, nakugira ngu ori ow'omutaano. Nkukuronda omubaingi nakukunda. Nomanya eki Ruhanga arikwenda ngu okore erizooba? Nayenda oyakire rukundo ye. Rekyeraho kugambira Ruhanga ngu buri kimwe ekyawe kikushobire ahabw'okuba ahari Ruhanga tori ky'okutangaza. Namanya byoona ebirikukukwataho nangwa n'ebiwasisire waherize kumwehitisa byoona nabimanya.

Ekizibu ki baingi turikukira kugira noshanga tutarikwekunda kandi tutarikwikiriza ngu na Ruhanga natukunda ningashi ngu hariho ondiijo muntu orikutukunda. Nitutekateka ngu turi kubi munonga turengirwe kukundwa. Haza kw'orikuheza kukyeta mu oti otandika 'nokukora ebibi. Tokubasa kukora ebirikukira ahakyorikuba oyeteire omumutima gwawe.

Nkaba nkira kugira ekizubu ky'obutekunda haza nkamara obwire bwingi ndikugyezaho kwehindura kuba ekyo ekinabeire ninyenda kuba. Nkaba nimanya ngu ningamba munonga mbwenu nkaba ninyenda kwehindura kuhunama, kwonka kunagyerizeho ngu mpunama nkahika nagira omunyangararo haihi buri omwe akaba atura nambuza ekyampunamise yaba ndigye? Haza nkaguma ningira omumutima nti naimwe mwabaire mugira ngu ningamba munonga kandi hati nimubuza ki, mundekeye mpunama.

Tindikumanya emyaka eyinaherize omumbere egyo haza nabwe nkashanga nkiine oburemezi n'omunwa gwangye.

Abantu baingi abashwereine abarikumanya kugamba noshanga abakundwa baabo bari empunami haza kyo nikikwihirayo kimwe waba ori omugambi nangwa na sitani natandika kuguma nakwijutsya, nagyezaho naage goona kukuretera kuhurira orikusingwa omushango nangwa aguma nakuchwera n'orubanja. Ruhanga nayenda orugye omubuhuku obwo, ogire okwikiriza haza ogire obusingye. Nomanya ngu tihaine kyorikubaasa kushashura waheza kuguma orikwechwera omushango ahabw'ekintu kibi kimwe ekiwarakozire? Okwikiriza ngu Ruhanga nakukunda kandi obwo oyine ekiwakozire nikibasa kukubera ekizibu.

Sitani naguma arikukwijutsya kwori mubi haza oguma notekateka ekyo obwiire bwoona. Aguma nakugira ati manya wakikora, nahati wakikora, iwe notekateka ngu ori oha? Ruhanga tihaine obwariba akuheire omugisha kuri nokira aha. Ruhanga tarikubasa nanakukozesa, kandi tarikubasa nokugarikamu eshaara zaawe kandi tihaine n'ekirungi eky'orikubasa n'okukora.

Aho niho orikumwikiriza okagira oti taata nkashisha ninkushaaba onasire aho sitani omugarukyemu omugire orikumwijutsya oti Yesu akashashurira ebibi byawe kandi osasirwe tokiine eibanja ryoona aho ogyende oshemereirwe omumagara gawe, oyikirize Ruhanga obere n'abandi ow'omugisha.

Obwiire obwingi kw'orikuba oryaho oguma nogira ntwiire ninkora ebitahikire kandi ndikuguma nimbigarikamu akaire koono haza nanye nikwe nabaire ndi okuhityasa

obunashaziremu kuryekyeraho kwechwera orubanja. Kworikurekyeraho kuguma nohurira orikusingwa orubanja ahabw'ekibi ekiwakora nikyija kukuhwera kuryekyeraho kukikora. Okuguma nohurira eshaaha nyoona ngu oyiine omushango noguma oyiine omunyangararo tokagira busingye. Haza nikimara amaani oguma noshiisha. Omuntu orikwehayo niwe arikubasa kutunga ekirabo kya Ruhanga eky'okusasirwa baitu kutari kuchwerwa orubanja. Oyiine kukorera omukwikiriza haza aho noija kuba wamara omuzigu amaani atandikye kukubuza yaba otarikuhurira kubi ahabwekiwakora? Iwe ekyawe n'okumugarikamu oti ngaha, ngaha tindikuhurira kubi nakakye. Nikibasa kwija kubanza kukugumira baitu noza kuhitsya obwiire okimanyire.

Omuri Isaaya 53: nitushooma ngu bwanyima ya Yesu kutwara ebibi byaitu akagarika yagumira nanokusingura orubanja. Sitani we tarikwenda ngu iwe ohurire ngu toyiine rubanja, ahabw'okuba kworikuchwerwa orubanja tihaine okwirikubasa kuhumurira omurukundo ya Ruhanga. Kworikuchwerwa orubanja kikutanisa na Ruhanga hati otandika kwetekatekaho.

Yikiriza ngu Ruhanga obu yagira ati embabazi zangye nimara okushweka ebibi byawe akaba nakimanyisa haza kyeine kukuretera okutambura oteine kwerarikirira orikwechwera omushango. Ruhanga nakukunda kandi embabazi ze hamwe n'okusasira n'ebiconco byawe, byakire erizooba.

3. Okukwatanisa na Rukundo.

Nitumanya haza twetegyereza kandi twikiriza rukundo ei Ruhanga atwiinire. Ruhanga ni rukundo haza ogwo weena arikutambura kandi akagumizamu omu kukunda kwa Ruhanga , naguma omuri Ruhanga kandi na Ruhanga aguma omuriwe. [1 Yohaana 4:16]

Nobaasa ota kuguma orikutekateka ha kukunda kwa Ruhanga? Nobwarabe nakukunnda munonga baitu waaba otarikumanya rukundo ye tihaine ekikiraije kukuyamba. Niyenda oreebe okw'orikuhurura omuntu kwarikukworeka rukundo, kw'orikumanya ngu n'okundwa noba noyeyesiga.

Ruhanga nakukunda kandi nayenda ngu akworekye rukundo ye. Natweta buri omwe okubaasa kumwehitsya kandi nayenda naitwe tumwete omuburi kimwe ekiturikukora, nayenda ogume noganiira nawe nk'ok'orikuganiira na munywani waawe.

Nokwatanisa gye na Ruhanga? Eky'okwetwaramu kuba omukristayo okashanga ngu buri sande noza omwiramizo toyosha tikikukmanyisa ngu n'okwatanisa na Ruhanga kandi omushemereirwemu.

Nyowe nkamara emyaka mingi ndi omukristayo ruranganwa nkaba ntoosha burisande nangwa n'emirimo eyany'ekundiire yoona nkora kwonka kandi amagara gangye nkaba ntagahaire Ruhanga. Nkaba nimpurira nteijweire. kwonka hati Ruhanga niwe ndikubanza kutekatekaho omukasheshe kandi niwe

ndikuhareruka n'omumwabazyo haza obwo nimba nsibire nawe eizooba ryoona. Tihaine kindi ekindikwenda oyihireho okuhereza Ruhanga wangye nan'okumushemeza. Twine ebihengyere omumitiima yaitu haza Ruhanga niwe arikubasa kubyeigaza.

Oyeheireyo ota omukukwatanisa na Ruhanga. Noyikiriza kumwebembeza n'ebye byoona okukira ebindi. Nobaasa kugira nka Paul okuyagizire. Omuri we nitutura kandi tutamburira omuri we haza tuba abahurire. [Ebyakoziirwe 17:28]

Ruhanga nakukunda kandi ori ow'omutaano ahari we. Akakuhanga kubasa kukwatanisa nawe. Eki nikyo arikukirayo kwetenga kandi ekyarikwendeza amagara gawe. Burizooba nakuhwehura omumutima gwawe, akugira ati oraire ota ninkukunda kworabe obaire otakahurire nakikugambira, noija kumuhurikiza kandi oyikirize?

Munywani wangye akatara ekishishani kya tata arikuza kutayayira amaka g'abantu b'omuri amerika buri kasheehe. Akaza omumaka gaabo boona ababaire betekatekire kukwatanisa kandi akagamba naabo. Akahika yatunga akatebe yashutama. Abantu kubabaire baimuka , bahika bagyenda, bakimuka bahika bagyenda, baguma nibagira Ruhanga ngu nibaza kugaruka baheza kutunga ebi babaire nibasherura, eizooba rihika rihendera hataine oyizire kugamba nawe. Ruhanga akahika yagyenda kwonka atashemerwirwe ahabw'okuba tihaine wabaire yaraizire ngu

nangwa agambeho nawe izooba eryo. Buri omwe akaba aine bingi eby’okukora ebibabaire nibareeba kuba bikuru bataine bwiire bwa Ruhanga.

Mbwenu reka kuburirwa Ruhanga obwiire, waaba otaine bwiire bw’okumara na Ruhanga obwo ori kushaba nikimanyisa ngu toine bwiire.

Gira obwiire ogambire Ruhanga okworikumunda. Buri kimwe nikihwaho tihaine kindi kyoona ekikutsigaraho kureka Ruhanga. Hati waba otaine nkwatanisa nawe nikibasa kwija kukubera kichererezi waza kukwatanisa nawe. Taata arugire kuriga omumagara gensi egi enshumi nkye ehweire kwonka nyiine okushemererwa ahabw’okugira ngu akaikiriza Yesu nk’omujuni we emyaka nk’eshaatu enyiima atakafiire. Nobwarabe yagiire omwiguru kwonka kandi akaferwa okutura omumagara g’obusinnguzi ga Ruhanga, ahabwokuba akaba atwire ariho ahabwe. Nyabura otakaija okahika ahamuheru gw’amagara gawe okashanga noyefuza ahabw’okugira ngu amagara gawe okagamarira omubintu ebitarikugasha nakakye. Obwiire n’ekiconco eky’omuhendo kuriga owa Ruhanga kandi tushemereire kwegyendesereza ahi turikuhereza obwiire bwaitu. Kworikuba wabukozeise tiburikugarika. Kworikumara na Ruhanga obwiire noshashurwa eby’omutaano kwonka kandi ebindi niwe orikubishashurira.

Mbwenu ningira ngu ogire omwaaka ogukwatse aharubaju orekye Ruhanga akukunde. Ruhanga we nareeta byoona, obusingye, okushemererwa, obugwagye, n’okwehayo

ahabw'amagara. [1 Yohaana 4:16] nihagira hati; kandi buzimazima nitumanya haza twetegyereza twikiriza rukundo eyi Ruhanga atwinire. Nobaasa obutahurira ngu n'okundwa omukasheeshe, obundi nokugira ngu toyiine maani nobaasa kugira ngu nibibasa kukworobera eizooba ryoona. Nobaasa kuhinduramu omumbeera egyo ogambe ebigambo by'okwegarizamu amaani obw'oine okwikiriza.

Gira oti; Ruhanga nankunda munonga kandi okyature munonga. Ndi embone y'eriisho rye kandi anyiniire entekateka nungi. Kuwakuba ow'okugamba ahari Ruhanga okagarika okagamba ahakigambo kye omumwannya gw'ebizibu byawe nobaasa kuhindura eizooba ryawe. Bamarika nibahurira ekigambo kya Ruhanga baitu kutari kwetoboita kweitu.

Oyiine kukimamya kandi okakyegambira okamanya ngu oyetoreirwe okukunda kwa Ruhanga. Baibuli negira ngu Ruhanga ayiine ekishushani kyawe omubiganja bye[Isaaya 49:16]. Nimureeba ahaiguru ariyo nagira ati reeba ekyo nokireeba? Tibiboneire Nimbakunda munonga. Reeba abaana bangye mbaine omungaro zangye. Ako nakamanyiso ahari akainayo kuguma arikumwijutsya ngu nakukunda kandi nayenda niwe omwehereze.

Ijuka kuguma nosiima Ruhanga kandi otandikye nan'okumwehitsya orikushaaba nawe. Obwire bwingi nobaasa kwemereza ebyorikukora ,byoona kumara akaire kakye obaase kusiima Ruhanga ahabw'okuba nomumanya

kandi orikumugambira kwari n'owomutaano ahari iwe. Humura ekyawe kunda Ruhanga.

1Yohaana 4:16-17 nihagira hati; Ruhanga ni rukundo kandi ogwo weena amwikirizamu kandi akagumizamu omukukunda Ruhanga na Ruhanga nagumizamu omuri we. Omukukwatanisa n'okuterena oku na Ruhanga rukundo neba yahikirira kandi etukora abahikirire kugira ngu nitubasa kweyesiga ahakiro kyokuchwerwa orubanja.

Okumanya ngu Ruhanga nakukunda nikikuhereza okweyesiga ogarika oyikiririza omubwesigwa bwe, emigisha yoona eyija kwija waheza kwikiriza rukundo ya Ruhanga, okagira okwikiriza, okasingura ekibi, noiya kugira obusingye omumutima gwawe, okire ogire amagara, okushemererwa otungye n'ebiconco bye.

Baitu ebi byoona nibyaija waheza kwikiriza ngu Ruhanga akukunde kandi obwiire obwingi nituzaaho tutandiika kutekateka oku oyiine kukunda Ruhanga ekyoyiine kukora n'okubanza kwikiriza Ruhanga akakukunda. Tindikhamya ngu nobaasa kworeka Ruhanga rukundo yawe okwihaho waikiriza akakukunda. Baibuli negira ngu tumukunda ahabw'okuba akabanza kutukunda. [1 Yohaana 4:19]

Twaheza kumanya rukundo ya Ruhanga haza tukagyakira naitwe nitwija kumukunda. Nobaasa kuba noyebuza okworikibaasa kwehitsya Ruhanga? Ninyenda kukugambira Ruhanga kuyangambire kumwehitsya nkashitama omuntebe yangye ahabw'okuba nkaba ntarikumanya obwiire obwo

nagira nti hati Ruhanga niki? Nkaba ntarikwetegyereza ngu nayenda mbe munywani we ow'obwiire bwoona.

Nahabwekyo rugayo otandikye. Ruhanga muhereze omugisha haza naija kukwegyesa okw'oyiine kumwehitsya okakwatanisa nawe. Tihaine muringo ogundi ogundikuza kukuhereza kukwatanisa na Ruhanga baitu ninyenda ogiire obusingye kandi oyebemberwe omwoyo orikwera, na baibuli negiira ngu niwe buturo bwawe. [Abafelisayo 3:17]

4 . Rukundo, obwesigwa hamwe n’okwikiriza.

Mumanye ngu omuri Kristo Yesu okusharwa tikwine mugasho n’obukwakuba obutasharwa; ekiine omugasho buziima n’okwikiriza okukoresibwa okukunda’ [Abagalatatiya 5:6]

Baingi omuri itwe nitugyezaho kumara obwiire bwingi kwikiriza kandi obwo nitumanya ngu titukashemeza Ruhanga twaaba tutaikirize [shooma Abaheburayo 11:6] nahabwekyo tukore n’amaani kugira okwikiriza kwiingi. Kwonka okwikiriza oku nikukura omumitima yaitu kandi eki kubaho tushemereire kuba twine enkwatanisa na Ruhanga oteireho nan’okuhurikiza ekigambo kye hamwe okushururirwa Ruhanga. Tihaine okundikubasa kukushomea okwikiriza kwonka nimbasa kukushomesa amateka g’okwikiriza nkuretere okugirira ekigambo enjara obase kukora kyoona ekirikubasika kukutunga.

Okwikiriza nigwo mukono ogwakira kuriga owaruhanga. Rekyeraho kwehenda kutunga okwikiriza kushemeza Ruhanga baitu ontandikye kumara obwire bwawe na Ruhanga, orikumukunda naiwe orikwakira okukunda kwe.

Ahakuba tugyenda ahabw’okwikiriza tutegyeka n’amagara gaitu tihabw’okureeba tuguma omutima; kwonka ekiturikukira kukunda nenki; okutaana n’omubiri , tukataaha omuka owa mukama waitu. [2 Abakorinso 5:7]

Kunabaire ninshooma ekyahandikirwe eki nkareeba Ruhanga arikugamba ahabintu ebirikuhinduka omumutima gwangye. Ningyezaho kutamburira omukwikiriza buri kimwe ekindikukora kandi orunyeriri oru nirugira ngu ninyija kuba nintamburira omukwikiriza kurugirira ahakyindikwikiriza ahankwatanisa yangye na Ruhanga.

Ekyo niwe kitekatekyeho. Yebuza okw'orikuhurira ahankwatanisa yawe na Ruhanga. Omuntu weena orikutekateka ngu tahikirire omu maisho ga Ruhanga tashemerirere kutamburira omukwikiriza. Tukezibwa twaba abahikirire owa Ruhanga bwanyima ya Yesu kristo kuhongwa ahamusharaba. [2 Abakorinso 5:21] ahakuba ogwo otaramanyire kibi ahabwaitu, ngu omuri we tuhindukye okuhikirira kwa Ruhanga. Okuhikirira kwaitu tikureberwa ahabitukozire ninga shi ebiturikwija kukora baitu kureberwa ahaki Yesu yakozire.

Nahabwekyo omuntu orikutekateka ngu agwiire takwetenga kukunda Ruhanga ogwo tarikwija kutamburira omukwikiriza.

[Omukitabo ky'bagalatiya5:6] nihagira hati; okwikiriza nikukorera ahari rukundo. Baingi nibatekateka ekyahandikirwe eki nikimanyisa ngu baba nibabasa kukunda abandi bantu ngu aho okwikiriza okubaine nikwija kubakorera babase kutunga ebibarikwenda kuriga owa Ruhanga. Nobu Ruhanga arikwenda ngu tutamburire omukukunda, kwonka tikirikubasika okwihaho twareka akabanza akatukunda.

Ekyo kyorobi, titurikubasa kuhereza ebitutaine. Nkagyezaho emyaka mingi kutamburira omukukunda abantu, ahabw’okuba nkaba nimanya ngu n’ekiragiyo kya Ruhanga; kwonka nkahitsya obwiire naremwa okuhitsya obunatunga rukundo yaruhanga eyobwiire bwoona. Nkahurira gye kikandetera okubasa kugirira n’abandi bantu rukundo. Kworabe buzima nomanya oku Ruhanga arikukunda, torikwija kushanga oburemezi kutunga eby’orikwetenga. Abantu tibarikutunga ahabw’okugira ngu tibarikwikiriza ngu buzima Ruhanga nabakunda kandi abaha omugisha oteireho n’okubaha ebyetengo byaabo.

Nobaasa kugira ngu ekyo ninyenda kukikiriza kwonka nta? Oyiine okukunda kwa Ruhanga omuriwe? Nahabwekyo eky’orikwetenga n’okutandika kukimanya yaheza kugikworeka. Baibuli negira ‘nitumukunda habw’okuba akabanza kutukunda.[1 Yohaana 4:19] nikibaasa kukugumira kukunda Ruhanga waba otahamizibwe ngu niwe yabandize kukunda.

Byooma biri omumutima gwawe. Ruhanga nakukunda ori o’womutaano, ori murungi buziima, ori enyemibwa, oyiine entaranta buziima ori ow’omuhendo.

Ruhanga nakukunda. Tihariho omuntu weena omunsi egi orikukunda nka Ruhanga okwarikukunda. Okworikwongyera kutekateka aha rukundo ya Ruhanga eyakwinire nihorikwija kwongyera naha kwikiriza kwawe reru otire n’amagara agu Ruhanga arikwendeza.

Tihaine omuntu ondiyo ow'orikwetenga okwihaho Ruhanga kwonka naija kukuretera abandi bantu. Amaziima gari ngu nobuhakubaire hatariho muntu ondiyo wena okwihaho iwe na Ruhanga, wakubaire ori gye. Ruhanga naija kuba munywani wawe arikukirayo, waba otamwiine, Ruhanga niburi kimwe ekyorikwetenga. Otakakora enshobi kushaba Ruhanga kukukorera ebintu baitu mushabe ayeyongyere kukweha omumagara gawe. Nimushaba kwabaha okugumibwa n'amaani ahabw'omwoyo we omu muntu ow'omunda. [Abefeso 3:16,19]

Ruhanga nakukunda kandi nayenda kuhikiriza ebyo byoona eby'omutiima gwawe gurikwetenga, baitu obwo waheza kumushemererwamu. Naija kukuhereza ebyo bintu omumuringo gwe kandi omu bwire bwabyo. Ruhanga akagambira Aburahamu ati naija kumuha omugisha kandi agarikye amukore ow'omugisha ahabandi bantu. Ekyo nikyo mukama Ruhanga arikwenda kukukorera kwonka oyiine kwikiriza. Gira okwikiriza kandi ogarikye oyikirize ebi ebi Ruhanga yarananise ahabwokuba n'ebyawel!

Okwikiriza hamwe n'ebikorwa by'omubiri.

[Abefeso 2:5] 'mumanye ngu embabazi ze nizo zabajunire' hati nokireeba ngu tihaine kiwakozi okujunwa? Baingi omuri itwe tukaba turi abasisi obu Yesu yatujuna kandi ekiconco kye eky'okujunwa tikiriho ahabw'ebirungi ebiturikukora ninga okugira ngu nitubasa kugira ebirungi ebitwakora. Ekyo kyikabaho ahabw'ekintu kimwe kyonka. Ruhanga akatukunda oburengeye nikwe kuherezayo omwaana

we wenka nyamunegyere ngu buri arikumwikirizamu atarihwerekyerera baitu agiire amagara agatahwaho. [Yohaana 3:16]

Embabazi n'okukunda kwa Ruhanga, kukozeza okubasa kwe kukuhereza ningashi kuhikiriza eky'orikwetenga omumagara gawe. Ahabw'embabazi Ruhanga akatuhereza okwikiriza kurikumara kubasa kujunwa. N'ekindi ahabwakukunda kwe nakuhereza okwikiriza, kw'oyikiriza ahabw'ebintu ebindi eby'orikwetenga. Nobaasa kuba noyendeza abantu bawe aborikukunda kubakiira kristo kwonka omumaziima tihaine muntu ow'orikubasa kukundisa Ruhanga. Iwe eky'okubasa kukora nokushaaba Ruhanga akakiretera kyabaho baitu hatari ahabw'ebikorwa byawe.

Eby'emibiri erikukora nitutamwa ahabw'okuba nituba nitwenda kukora ebyo bintu ebirikukorwa Ruhanga wenka. Nitukora kwonka tihaine karungi akaturikwihamu. Baibuli negira ngu nikwo neimwe mworobere abakuru. Mweena mwezirikye obucureezi, muboone kuherezana; ahakuba Ruhanga arwanisa abamaryo kwonka abacureezi abaha omugisha.

Okwikiriza okuyakuhereze ahabw'okujunwa kwawe nikumara kubasa kujuna ebibi byawe nikwo kumwe okurikwija kukuhereza byoona eby'orikwetenga omumagara gawe. Waba oine omusingye gw'okukunda kwa Ruhanga omumagara gawe aho notandika nan'okumwesiga. Nobaasa kutamburira omukwikiriza kitari omuby'orikureeba.

N'omumutima gwawe buziima noiya kukimanya ngu Ruhanga n'omwesigwa omuby'arikuraganisa.

Omubaibuli nitureeba ngu okugira okwikiriza n'okuhamira ninga shi okwegamira Ruhanga iwe nk'omuntu okamwesiga, okamwikirizamu ahabw'amaani ge, obwengye hamwe n'oburungi bwe. [Abakolosayi 1:4] Nkokw'orikwikiriza Ruhanga kukunda nekyo noiya kukikora. Enkwatanisa yawe na Ruhanga okwerikugyenda neyeyongyera nikwe nan'okwikiriza kwawe kuraije kweyongyera. Noiya kureeba mukama arikukukorera eby'okutangaza kwonka ebi byoona byaaza kubaho oyiine kushururirwa okukunda Kwa Ruhanga. Ruhanga nakukunda, kandi buziima ekyo toyiine kukibanganisamu.

5 .Obutagira bwooba.

Omukukunda tihabamu bwooba, okukunda okuhikire kubingira aheeru obwooba; ahakuba obwooba bugyenda nkekihenseso, kandi oine obwooba aba ataine okukunda okuhikire. [1 Yohaana 4:18]

Nitubasa kuhitsya obwiire oshange tutaine nshonga, y'okwikiriza nangwa n'okwesiga Ruhanga n'okuhamya ngu buziima Ruhanga natukunda, aho n'omuzigu naija kukwohereza nebyokukutinisa.

Embeera y'amagara, ebyo bintu ebibi ebirikukira kutubaho nibibasa kugyeesa okwikiriza kwaitu. Abantu baingi tibarikushanga buzibu kwikiriza ngu Ruhanga nabakunda okwihaho hagira ebyabahikaho babona kutekateka ngu tarikubakunda.

Aha niho omuzigu arikwizira omumuringo okashanga wagira obwooba oteireho nan'okukuchwera orubanja abasa kukutanisa n'ekye kintu ekyokukutambira gyete rukundo yaruhanga. Akihika akugira ati kandi shi ekyo? Mbaire ningira ngu Ruhanga nakukunda? Nobaasa kuba okozire eihano hati Ruhanga akufubire.

Omubwire bw'ebizibu kyorobi kuriga ahari Ruhanga. We tarikukora bintu nkokuturikutekateka ngu ashemereire kubikora, aine entekateka erikukirira hare ezaitu nayenda kutuhindura oteireho n'okuhindura ahambera zaitu,

haza nakira kukorera omubwiire obugumire kigira ngu abase kutuhitsya ahakumwesiga we wenka. Omubwire nk'obwebizubu tuturikumanya nanekirikutubaho aho nitubasa nan'okugwa omumutego kutekateka ngu Ruhanga tarikutukunda. Baibuli netugira ngu tutaikiriza ekintu kyoona ekyakubasa kututanisa na rukundo yaruhanga erikushangwa omuri Yesu kristo. [Abarooma 8:35-39] Ekirikukirayo ekirikubasa kukora twaba twine oburemezi n'okugambira ahaiguru, okagira oti Ruhanga ninkimanya ngu nonkunda kandi ninyikiriza ngu neki buzima nikija kukora ahabw'oburungi bwangye.

Obwiire bwingi Ruhanga naba ategyereze kutukiza itwe obwo turikutekateka ngu obwire buhwaireyo ebya Razaro baitu nobajuka? akaba arwaire kwonka Yesu akategyereza yabanza yafa atyo nikwe kugyenda akamuhwera nabeka ye. Mariza kuyarebire Yesu akamugira ati wakyererwa kwonka we akaba namanya ekiyabaire nakora. Nabaasa obutakorera omushaaha zawe ez'orikwenda baitu tihaine obwariba akyerereirwe. Waaba oyiine oburemezi omumagara gawe guma oyiine okwikiriza, otaikiriza obwooba n'okushoberwa kukwebesa okukunda kwa Ruhanga. Yohaana 4:18, n'omushororongo gw'amaani. Okukunda okuhikire nikwihaho obwooba. Nkatekateka munonga ahakyahandikirwe eki okuhitsya obu izoona rimwe nayetegyereza ngu okukunda okuhikire nikwikhaho obwooba kandi Ruhanga niwe kukunda okuhikirire. Kandi waheza kumanya rukundo ehikirire eyakwinire torikwija kutegyekwa bwooba. nangwa obumwe nobaasa kuhika ogire obwooba kwonka noyija kugumizamu orikugyenda

omumaisho na Ruhanga ahakuba namanya ngu ori nawe obutoosha.

Tokabasa kugira obwooba waba nomanya ngu Ruhanga nakukunda. Oine obugabe kugyezaho ahabw'okuba nomanya ngu okukunda kwa Ruhanga nan'okwikiriza tibirikurugirira ahamikorere yawe. Tukubasa kugwa waba oyegamire Ruhanga, kureka waba oyeyegamire nibwo oraije kugwa. Ebintu nibibasa obutarugamu nkok'otebekanise kwonka nibaija kuba gye baitu obwo amaisho gawe wagareka ahari Ruhanga. Waba nomanya ngu Ruhanga nakukunda toritina kintu kyoona.

Rukundo ya Ruhanga ney'amaani kubasa kushweka buri kimwe iwe notekateka ngu Ruhanga owakujunire, okashanga otaine rubanja nabaasa kukuretera waremwa? Akureke otaine kihwera? Sitani n'omuzigu w'emyoyo yaitu; n'omushuma kandi n'omuyabishuba kwonka kandi Yesu nayenda tugire amagara kandi abashemereirwe. [Yohaana 10:10]

Omubyahandikirwe nikipambwa ngu omu kukunda tihabamu bwooba baitu okukunda okuhikirire kubingira aheeru obwooba, ahakuba obwooba bugyenda nk'ekiheneso kandi oine obwoba aba ataine kukunda okuhikire. [1 Yohaana4:18]

Ruhanga kuyaherize kumpwera kwetegyereza ngu rukundo nebingira hare obwooba obwengye obunatungire nkabukozesa. Tukaba twine oburemezi na motoka yaitu okaba oshi oti ebimwe nibiza kuragara twaba nitugivuga

ahabw'okuba tukaba tutaine sente z'okugitereza. Omurundi gumwe nkahurira mukama arikungariramu amaani arikugira ati; Joyce eizooba ryoona rimare orikukunda haza onyikirize nanye nkukunde, tihaine ekindi ekyoyine kukora. Toyiine kwerutsya kuba omukazi w'amaani oine okwikiriza kwingi okyoyiine kukora n'okwikiriza okukunda kwangye.

Nkaba ndiyo ninyeshongora ebyeshongoro by'okuhimbisa Ruhanga nyiine obusingye, omukaire ako nkahurira ibanye nanyeta omu garage bwanyima y'edakiika nka ana n'eitaano yaherize kugyenda. Atyo ayigura orwigi angira ngu motoka yayanga kwaka ngu mbwenu twine kugitwara bagikore. Nkakinga orwigi natandika kusheka, haza ekyo tikyo nabaire nyiine kukora ninga tikyo nashazireho kukora kwonka kikaija bwaija. Ahabw'okugira ngu nkaikiriza okukunda kwa Ruhanga kikandetera kusheka nyiine ebizibu. Kw'orikwikiriza okukunda kwa Ruhanga nikukwiguriraho okugira okwikiriza omumwanya gw'okugira obwooba. Ekyandeteire okusheka kukaba kuri okwikiriza. Nkasheeka munonga ahabwokuba omunda omurinye nkaba nimanya ngu Ruhanga natukunda nahabwekyo naija kutuhereza ebiturikwenda.

Abrahamu akasheka esheko y'okwikiriza, Ruhanga kuyamugizire ngu naza kuzaara omwaana w'omwojo. Akaba nakimanya ngu omubuhangwa tihaine oku we n'omukazi we Sara babaire nibaza kuzaara omwaana kwonka ahabw'okugira okwikiriza omuri Ruhanga nikwo amashemererwa ge kurigamu egyo sheko.

Ningira ngu twakora tutyo nikiguriraho Ruhanga kutuhwera omumiringo etari emwe n'emwe. Noha orikubasa kusheka kandi obwo ari omubizubu? Baibuli negira ngu ruhanga nashitama ahiguru omwiguru atandika kushekyerera abazigu [Zabuli 2:2-4] haia ekyo Ruhanga yaaba nabaasa kukikora naitwe nitubasa. Nahabw'ekyo gyenda omumaisho orikusheka, sheka oine okwikiriza. Okukira byoona Ruhanga nakukunda, kandi Ruhanga yaba ari naiwe noha arikubasa kukurwanisa?

6. Rukundo ye nehika hoona

Kandi twiine ekiragiho eki ekyarigire ahari we, orikukunda Ruhanga akunde mugyenzi we. [1 Yohaana 4:21]

Ori omwaana wa Ruhanga ow'omutaano. [Omukitabo ky'ebiragiho 7:6] waba buziima nomanya ngu ori ow'omutaanao ahariwe noija kutura oine okushemererwa nan'okweyesiga nangwa nanabakuhereire nibaija kuganyirwamu. Noija kuza omumaduka oine akamwenyo ahamasho orikumanya ngu buzima nokundwa, orikugira oti ebyangye byoona bitereire kandi nimbasa kuhereza abandi omugisha ahabw'okukunda kwa Ruhanga okunyiine. Noija kuza buri hamwe oine okushemererwa kandi okushemererwa okwo nikwija okw'omugisha ahabandi bantu.

[Zaburi 100:2] twiine kuhereza mukama n'okushemererwa. Twaheza kumanya ngu turi ab'omutaano omuntekateka za Ruhanga kandi n'entekateka yaitu hamwe n'emicwe birikura ahari okushururirwa, nitubasa kubagana n'omujuni kandi tworekye rukundo ye omumiringo erikuretera abantu okumwijaho. Okukunda kwa Ruhanga omuri iwe nikwija nan'okukuretera wamanya eby'abandi barikwetenga haza obase nan'okubakund, neija kukwihaho obwooba kandi torikwiija kutiina okwangwa ninga kugira ngu bakurabyemu amaisho, kandi okukukunda ruhanga oku okuri omuri iwe nikwija kukuretera abo bantu wabahwera.

Ruhanga nayenda ngu oyikirize yakugira ngu naija kukora eby'amaani kurabira omuri iwe ahakuba Yesu nohurire omuri

iwe. Mwesigye kandi omwikirizemu nayenda kukukozesa kuhwera abandi n’okubakunda. Ijuka ngu rukundo ya Ruhanga ehikirire n’ebinga obwooba, nahabwekyo otaikiriza obwooba kukuremesa okwikiriza.

Tinkumanya nah’okutandikira kukugambira emirundi eyinyemerire aha rutezo omukwikiriza, naaba nyiine ekirikuntinisa ekindikuba ninza kukora haza oshisha oti Ruhanga ariyo nagira ati Joyce ninyinja kukukozesa eby’amaani. Ninyenda kukugambira ngu kwiha nasharaho kugimizamu na Ruhanga takandebya ga. Nomanya ahabwenki ntarikutiina kugira eki nakora haza kikandema? Ahabw’okuba nimanya ngu Ruhanga nankunda kandi nawe namanya ngu nimukunda kandi ahabw’embabazi ze ebyangye nkabikwatsa ahansi ahabwe. Waba buziima okozire ekyo okakukunda Ruhanga kandi okakimanya ngu buzima nakukunda tihaine kizubu ekyotarikubasa kutereza.

Ekyetengo kyawe kyaba kiri okuhwera abandi, Ruhanga naija kukuhwera obahwere. Nangwa torikwetenga kuba oyiine byingi kureka ekyoyiine kukora nokubaho ahabwa Ruhanga reru ebindi we naija kubikora. Nobasa kutekateka ngu entaranta zawe tiz’amaani kwonka obwiire obwingi ekintu ekirikuba kitari ky’amaani nikihendera kibaire ekay’amaani maingi munonga.

Reka kweyendeza obwiire bwoona okabwemariraho kuhikiriza eby’orikwenda. Iwe ekyorakore gambira Ruhanga eky’orikwenda, reru iwe ohame omukwikiriza rero ohikirize ebyetengo by’abantu abandi. Ruhanga nayija kukukorera

ekyo, ekyorakorere ondiyo. Waaba oine ekyetengo reeba ekyiwatsiga baitu kutari kureeba ahakyorikwenda haza waba nohwera abandi Ruhanga naija kugyakira nk'entsigo eyiwabiba eyoyine kusharura omumagara gawe. Buri omwe nayenda kutunguka kwonka twine kwetegyereza entunguka ehikire niyo eha? Ninkira kukunda kushoborera ngu basa kukozeza okubasa kwa Ruhanga otungye byoona ebyorikwetenga. Okukunda kwa Ruhanga nikwija kukubasisa kubanza kwebembeza ebyetengo byabandi. Nogira ngu Ruhanga nakukunda oburengye kuretera wakunda abandi nangwa nabo abataine kuba nibakundwa?

Tihaine kyamaani ekirikwetengwa kukunda ogwo orikukunda kwonka nitwetenga amaani aga Ruhanga kutubasisa kukunda nabo abatarikukundwa. Okukunda kwa Ruhanga okuri omuri itwe nikwija kukikora ahabw'okuba nirukundo ataine mateka. Nitugitungira busha nahabwekyo twine kugigabira busha. Rukundo teremwa ningashi kuriga ahabantu, nebase kutwara omwaka, ningashi emyaka etaano ningashi emyaaka abiri netaano kwonka erugaho ehikirira. Yesu akatutegyereza bwire burikwinganaki kandi yagumizamu arikutukunda? [1Abakorinso 13] nihagira ngu rukundo ney'okwetwara harimu obuntu hamwe n'obucureezi, tiyokweshengyereza ninga kugirira ekiniga ningashi kukwatirira. Ebi nibyo bimwe ebi Yesu arikutuhaho kurabira omukukunda kwe, kandi naitwe nitubasa kukora nibyo bimwe ahabw'abantu emburabure, abataine ky'okurya, abataine busingye reru turebe omurimo gwa mukama omunsi.

Ruhanga nakukunda kandi nangwa n’abantu abakweturire nabo nabakunda, oba bajunirwe ninga batajunirwe kandi nayenda akukozese nk’omuhanda okubahitsyaho rukundo ye.

Reeka kugira obwooba iroko ogyende, ahabwokuba okukunda kwa Ruhanga nikukwihaho obwooba, okwechwera orubanja kandi akuhereza okubaasa kukunda. Ba ow’amaani okubuzya okukunda kwa Ruhanga omubyanga. Nobaasa kutandika orikunywana na abantu, haza ogukore gube omurimo onywane, haza buri horaze hoona obabere ow’omugisha.

Okushemererwa abantu, okabatangirira nigumwe aha muringo gwokoreka rukundo, okukira munonga ahari ogwo muntu ori wenka nainga oyiine ekizubu. Abantu obete orye naabo kyakiro, reka baije bakutayayire, oramutsye n’abantu oine akamawenyo. Omuntu nobaasa kumuramutsya omugwe omukifuba kyaba nikyetagisa. Omuntu nobaasa kumutwara omumotoka yawe bitu obwo eye yaba eine ekizubu, ninga nkahamurimo reeba okuwakubasa kuyamba omukozi omutsya. Ruhanga akwinire ekyoyiine kukora nikibasa kuba kitari kihago ninga ky’amaani kwonka ahariwe nikikuru. Ahari Ruhanga abantu nibakuru munonga.

Haine abantu iwe aborikuhereza bonka, baitu shaaba Ruhanga akworeke emiringo okuwakubaa kuburira okukunda kwe kandi naija kukwegyesa.

7. Okukunda kwa Ruhanga nikwija kukuhindura.

Okukunda oku tikugira ngu tikukunda Ruhanga kureeka akatukunda atyo nikwe kwohereza omwaana we kufeera ebibi byaitu. [1Yohaana 4:10]

Ruhanga akatukunda kwonka tindikumanya baingi ahari itwe yaba nitureeba rukundo eyiyatungirire. Omukushoma omutwe ogu Ruhanga anyorekire ngu buziima kuri twabaire nitumanya omumitima yaitu okwarikutukunda twakubaire nitwetwazamu omuringo ogundi kitari nk'okuturikwetwaramu obwire obwingi.

Tekateka aha kukunda kwa Ruhanga okwakwinire, ekyo nikija kukuhindura. Waba haine ekyikuriho eky'otarikukunda, okumanya ngu buzima Ruhanga nakukunda , nikija kukuhwera ogire okushemererwa obwo otegyereize Ruhanga kukora omuri iwe. Kworabe noguma oshobirwe ahabw'enshobi zawe nobasa obutahinduka. Ijuka ngu Ruhanga nakorera omukwikiriza kandi okwikiriza okuhikirire nikuturetera okuhumurira omuri Ruhanga. [Abaheburayo 4]

Ninyesiga ngu baingi abarikushooma ekitabo eki haine okubatarikwekunda, nangwa nabaingi nibabasa kuba nibeyanga. Kuwakuba ori omwe omuri abo oriyo noyerwanisa ninyenda kukugambira ngu tamwa ebibi eby'orikukora, kwonka toyiine kweyanga ahabwokuba Yesu akakufeera

aha bwa rukundo y'amaani nahabwekyo eky'oshemereire kukora nokwakira ekiconco kye eky'omutaano.

Baibuli netugira [omukitabo ky'enfumu 23:7]. Ahabweitu natekateka omumutima gwe, kandi mbwenu wahurira kubi ahabwawe akaire koono, okeyanga, okabura kumanya okwori ow'omutano torikwija kukora kurugirira nk'okw'orikutekateka; nahabw'okugira ngu omumutima gwawe torikumanya ngu Ruhanga nakukunda kukira nangwa nahakw'orikumanya. Ruhanga nayenda ngu omare obwiire nawe burizooba ekyo nikyoo kiraije kukuhindura. Waba otebembeize Ruhanga, ah'omuteire tarikwija kubasa kukukorera ebyo ebyarikwenda kukukorera. Obwire obworamare na Ruhanga orikumukunda, kandi nawe okamwakira akakukunda nibwe buraije kukuretera waaba ow'amaani otakutiina kandi okakura. Abantu baingi baine za rwekaso tibaine bwiire bw'okutaho enkwatanisa na Ruhanga. Bakubaire nibenda bakwatanise nawe kwonka tibakwehana bakagira emicwe nka okushoma oteireho n'okushaba nangwa nanokukorera abandi bantu, oshemereire kuchetamu kandi gube omucwe omuriwe. Okukunda kwa Ruhanga nikwija kukuhindura. Koraije kureeba kukunda kwe haza okakimanya kandi okakutamburiramu burizooba noyija kushanga n'ebytengo byawe byahinduka. Noiija kwenda kuba nkogwe arikukunda [Yesu]. Tushemereire kwebembeza eky'okutungura nan'okumannya Ruhanga omumagara gaitu. Paulo akagira ngu ekigyendererwa kye kyikaba kiri eky'okumanya kristo n'amaani ge g'okuzooka [Abafilipi 3:10] ijuka Paulo akagira ngu akaba aine kwehayo.

Tamu amaani ahankwatanisa yawe na Ruhanga nobasa kumwehitsya nk'okw'orikwenda ekyo nikisharaho, ahabwiire obw'orikwenda, obwoyehireyo kumuha. Baibuli negira ngu turi abajwekyerwa ba Ruhanga ngu kandi obujurizi bwe omunsi nabaturabyamu [2 Abakorinso 5:20]. Ekyahandikirwe eki nikikira kunchumita kindetera okugarukamu butsya kumanya okukiri kikuru munonga kukuratira omwoyo wa Ruhanga yaaba nakorera omuritwe, arikutuhindura ahabw'ekigyendererwa kya Ruhanga. Okukunda kwa Ruhanga nikushukwa omwoyo orikwera omumitima yaitu [Abarooma 5:5] kwakire, okushemererwemu kandi oyikirize kukuhindura.

Tunga amagara matsya.

Kworabe otakaikiriza ga Yesu kuba mukama kandi omujuni wawe, ninkweta ngu okikore hati. Shaaba eshaara egi kandi kworabe ori ow'amaziima noyija kutunga amagara matsya omuri kristo.

Ruhanga tataitwe, ninyikiriza Yesu kristo omwaana wawe omujuni w'ensi, ninyikiriza ngu akanfeera aha musharaba, yayemera ebibi byangye byoona. Akazooka omu bafu nikwe kusingura amaani ga rufu n'okuzimu. Ninyikiriza ngu yesu n'ohurire kandi ashitami aha rubaju rwaburyo. Yesu nikwetenga. Sasira ebibi byangye, njuna ija otore omunda omurinye, ninyenda kuzarwa ogwakabiri, ninyenda kubaho ahabwawe. Yebare kunjuna n'okumpwera kutura n'amagara matsya ahabwawe. Hati yikiriza ngu Yesu ariyo natura omumutima gwawe, yikiriza ngu osasirwe ebibi wayezibwa

n'eshagama ya Yesu kandi obwire bwawe kuburihwayo hanu omunsi oryaza omwiguru.

Sherura ekanisa ekuri haihi erikushomesa ekigambo kya Ruhanga noija kutandika kukura omunkwatanisa yawe na kristo. Nituhinduka ahabw'amaani ga rukundo ya Ruhanga hamwe nan'ekigambo kye ekirikukora omumagara gaitu nahabwekyo nikikuru munonga ahabwaitu kumanya amaziima agari omukigambo kye. [Yohaana 8:31-32] nihagira hati; kumurihamira aha kigambo nimuba abeegi banye kandi okaguma orikunkuratira muryamanya amaziima kandi n'amaziima garyabahindura ab'obusingye.

Ninkuhiga kw'otwara ekigambo kya Ruhanga okakihamiza omumutima gwawe. [Abakorinso 3:18] nikikworeka ngu waaba noshoma ekigambo kye noija kuhindurwa omukishushani na Kristo yesu.

Nyabura mpandikira manye ngu waikiriza Yesu oshabe akatabo akabusha akarikwegyesa okwoyiine kutura n'amagara matsya omuri kristo.

Ninye Joyce owahandiika ebi narukundo.

Ebirikukwata ahawahandikire ekitabo eki .

Joyce Meyer n'omwe ahabashomesa ba baibuli omunsi yoona kandi n'omwe ow'ebitabo bye bikizireyo kuguzibwa omuri New York kandi abantu nyamwingi bagarwirwe bustya omuri kristo ahabw'ebitabo bye bagira n'amatsiko. Joyce Meyer kurabira omubuhereza bwe nashomesa ahabintu bitari bimwe nabimwe nka eby'entekateka, ebyokugamba, n'empera okutwariza hamwe. Omuringo gwarikuherezamu nigumwikiriza kubagana n'abandi ayeha nk'eky'okureberaho, kugira ngu ebyashomire n'abandi bakabikozesa. Joyce ahandikire ebitabo birikuhingura omuri igaana kandi byavunurwa nan'omundimi zirikuhika igaana. Nangwa na buri mwaaka naba eine enterane omunsi yoona ekireteire n'abantu kushemererwa n'amagara gaabo buri izooba. Omu myaka makumi ashatu ehingwire oruterane rwe rw'abakazi orw'aburimwaka rwejubirwemu abakazi barikuhingura emitwabo ebiri okuriga omunsi yoona. Joyce nakunda kuhwera abantu enshoberwa kandi niwe nyomyo y'ekitongore ekya Hand of Hope kimwe ahaby'obuhereza bwa Joyce Meyer Ministries, erikushagika emirimo etari emwe n'emwe omunsi yoona oteireho nan'owaabo omururembo St. Louis.

Eshaara y'okujunwa.

Ruhanga nakukunda kandi nayenda ogiire enkwatanisa nawe. Kuwakuba otakaikiriza ga Yesu kuba omujuni wawe, obu nibwo bwire. Mwikirize omumutima gwawe haza oshaabe eshaara egi.

Taata nimanya ngu omusiisi , nsasira kandi onyozye. Nindaganisa okukuguma ndikwesiga omwaana wawe Yesu. Ninyikiriza ngu akanfeera, yatwaara ebibi byangye nikwe kunfeera ahamusharaba. Ninyikiriza ngu akazooka omubafu n'ahabw'ekyo eshaaha egi amagara gangye nagahayo ahari Yesu.

Yebare Yesu ahabw'ekiconco kyawe ky'okusasira n'amagara agatahwaho. Mpwera mbeho ahabwawe, omwiziina rya Yesu. Amiina.

Nk'okuwashaba oyihire ahamutiima, Ruhanga yakwakiira, yakwonzya kandi n'omwoyo gwawe yagwiha omubutsibe bw'okufa . Gira obwiire oshome ebyahandikirwe ebi kandi obyetegyereze haza oshabe Ruhanga kwagamba naiwe obw'orikutambura nawe omurugyendo rwawe orw'amagara amatsya.

Yohaana 3:16

Abefeeso1:4

1 Yohaana 1:9

1 Yohaana5:1

1 Abakorinso 15:3-4

Abefeeso 2:8-9

1 Yohaana 4:14-15

1 Yohaana 5:12-13

Shaaba haza ogambire Ruhanga kwakuhwera kubasa kutunga ekanisa nungi erikwikiriza omuri baibuli eki nikija kukubasisa kweyongyera kutunguka omunkwatanisa yawe na Kristo. Ruhanga ari naiwe obutosha kandi naija kuguma nakwebempera buri izooba arikukworeka okwoine kutura n'amagara agakwinire omubwijwire.



Yakiira okushururirwa kwa rukundo ya Ruhanga eyakwinire.

Buri kacweka koona k'amaani ga Ruhanga hamwe na rukundo ye ahabwawe biriho erizooba. Kandi tiwe wenka oriho omubaingi. Ruhanga nakukunda oshisha oti niwe wenka oriho omunsi egi. Ekizibu ekiriho n'okugira ngu abantu baingi eki nimubasa obutakyetegyerereza... ninga waba nokimanya omumutwe, tikiri mumutima gwawe. Obutumwa obw'amaani oburi omuri eki kitabo nibwaija kukuhiga nokukworeka;

- Okwoyine kumanya okukunda kwa Ruhanga omuri iwe.
- Kwoyiine kurekyeraho kwerarikirira yaaba buziima ori murungi munonga okukundwa Ruhanga
- Okw'orikubasa kushururirwa rukundo ya Ruhanga ey'okutangaza
- Okw'orikubasa kusherura Ruhanga nangwa n'omubwire obw'ebizibu
- Rukundo ya Ruhanga okwerikubasa kukuhidurira kimwe ebiro byoona

JOYCE MEYER.

Omuhandiiki w'ebitabo okizireyo kuguza omuri New York.

Okubagana na Joyce Meyer bimwe ahabyarebire n'okushururirwa okwahindwire amagara gye, haza nakuretera ebyahandikiirwe n'ebindi bigambo eby'obwengye ebyakubasa kukwiguriraho okukunda kwa Ruhanga, Iwe nk'omuntu reka omushana gukwakire.

Bagambire ngu nimbakunda ekya Joyce Meyer.



JOYCE MEYER
MINISTRIES®